

Prome Minister contento con Penha ta muestra confianza den futuro di caya grandi

UN di e establecimentonan comercial cu mas trayectoria riba e isla y sigur famoso entre turistanan, ta sin duda 'Penha'. E tienda di perfume y cosmetica di marca di calidad pronto lo tin un cara nobo, uno luhoso y moderno. Esey a keda anuncia ayera mainta dor di miembro di famia propietario Kevin Jonkheer hunto cu Prome Minister Mike Eman y Minister di Infraestructura Benny Sevinger. Prome Minister a indica cu Penha, mescos cu algun dia pasa tabata e caso cu edificio

di Nicky Habibe, ta demostra cu nan inversion ta muestra di un pleno confianza den e proyecto di renobacion di caya grandi y futuro di henter centro di ciudad. "Awe atrobe nos ta para banda di otro pionero den hiba caya grandi na otro nivel," Eman a bisa.


E mandatario a refresca memoria di esunnan presente con algun tempo atras, durante un cena anual di Camara di Comercio el a haci un apelacion riba tiendanan den caya grandi pa 'ban cumpra un pochi di ver'

y drecha e tiendanan pasobra e proyecto di caya grandi lo keda cla y nan edificio no por keda atras.

"Awe mi ta bisa nan a mas cu 'call me bluff'; nan ta mas cu cumprando verf pa drecha fachada, pero den e caso specifico di Penha, nan ta poniendo marmer riba e murayanan di e edificio," tabata e palabranan di Prome Minister. "Asina nos kier wordo involvi den nos betnan tur dia, pasobra esaki ta un muestra importante di confianza."

El a indica ademas cu Penha semper a duna importancia na calidad y e hecho cu nan ta haciendo e inversion aki ta un estimulo hopi grandi. No solamente e ta mehora e aspecto visual y ambiente di caya principal, pero e tin su efecto riba otro tereno. "Pa nos ta importante pa mira cu ora e tienda mehora su producto, e empleadonan tambe lo mira e resultado dor cu lo genera mas negoshi, cu na su luga lo haci tambe cu e ta bay cas cu mas entrada pa e famia," Prome Minister a bisa.

Por ultimo e hefe di gobierno a gradici y felicita Kevin Jonkheer pa su sosten. "Danki pa e confianza. Nos ta kere cu Penha un biaha mas ta marca pauta den



loke ta calidad den estetica, pafo di e edificio tambe. Esey pa nos ta un gran contribucion na e proyecto di caya grandi."

Mientras tanto e trabounan duro ta sigui den dia y anochi pa segura cu Caya G.F. Betico Croes lo ta accesibel, comodo y agradabel pa tur esunnan

cu bin haci compras den luna di december. Contratistanan y InfraTeam ta sigur cu aki dos siman ponemento di klinkers ta keda cla. Ademas di edificio Nicky Habibe y Penha, otro negoshinan cu tambe ta haciendo renobacion nan edificio ta Calypso Building y Shana.

Curaçao Special
Hotel Celeste
 Tin e siguiente oferta pa bo
DBL \$70; TPL \$80; QUAD \$100 p/n
Prijs ta inklui tax, uso internet wi-fi
Kamber ku kitchenette \$10 extra
Mucha bou di 12 anja gratis
Persona adicional USD 15 p/n
 Pa mas info of hasi bo reservashon:
 e-mail: info@celeste.an
 website: www.celeste.an

HITESS
 HIGH TECHNOLOGY SALES & SERVICES N.V.
 DUTCH CARIBBEAN

HITESS N.V.
 Arendstraat 124
 Tel : +297 - 588-5966
 Fax : +297 - 588-5895
 Email : info@hitecss.com

120V